

উত্তরবঙ্গ সংবাদ



২৩ ডিসেম্বর ভোটা বাংলাদেশে। পাঁচের পাতায়

শিলিগুড়ি ২২ কার্তিক ১৪২৫ শুক্রবার ৪.০০ টাকা 9 November 2018 Friday 16 Pages Rs. 4.00 ইনটারনেট সংস্করণ http://www.uttarbangasambad.in

পাত্র-পাত্রীর অভিভাবকদের মধ্যে সরাসরি যোগাযোগ করিয়ে দেয়

বিশ্বের বৃহত্তম সর্বাধিক সফল বিবাহ প্রতিষ্ঠান

তথ্যকেন্দ্র

১০ গর্ভনমেন্ট প্রেস ইস্ট, কলকাতা ৭০০০৬৬
রাজ ভবনের সামনে, ফোন: ০৩৩ ২২৮৮৪৪৩৭
E-mail: tathyakendra@hotmail.com

সাধ্যমিক

2019

SCIENTIFIC Suggestions

রায় মার্চিন

কংগ্রেস-তৃণমূল সংঘর্ষে উত্তপ্ত ঘিরনিগাঁও

ইসলামপুর ব্যুরো

৮ নভেম্বর : কংগ্রেস-তৃণমূল সংঘর্ষে বৃহস্পতিবার চোপড়া থানার ঘিরনিগাঁও এলাকা ফের উত্তপ্ত হয়ে ওঠে। হামলা ও পালাটা হামলার জেরে এলাকা কাঁচত রংক্ষেত্রের চেহারা নেয়। ছিনতাই, লুটপাট, ভাঙচুর, বোমা-গুলি, অবরোধের ঘটনায় চোপড়া থানা এলাকা ক্রমশই উত্তপ্ত হয়ে উঠছে। কংগ্রেস ও তৃণমূল কংগ্রেস নেতৃত্ব এলাকায় গোলাগুলি চালানোর কথা স্বীকার করলেও একে অপরের ঘাড়ে ঘটনার দায় চাপিয়েছে। খবর পাওয়ার পর ইসলামপুর ও চোপড়া থানা থেকে বিশাল পুলিশবাহিনী নিয়ে পুলিশের পদস্থ কর্তারা এলাকার দখল নেন। এদিনের সন্ধ্যের ঘটনায় দুই পক্ষের অন্তত পাঁচজন জখম হয়েছেন বলে স্থানীয় সূত্রে জানা গিয়েছে। তাঁদের মধ্যে একজনের আঘাত গুরুতর বলে জানা গিয়েছে। কংগ্রেস নেতৃত্বের দাবি, ওই কর্মীকে চিকিৎসার জন্য ইসলামপুরে পাঠানো হয়েছে। পুলিশ পরিহিত সামাল দিচ্ছে বলে ইসলামপুরের মহকুমাসরকার মণীশ মিশ্র জানিয়েছেন। ইসলামপুরের এসপিও সোমনাথ বা বলেন, 'এলাকায় পুলিশ টিহল চলছে। শীঘ্রই দুকৃতীদের গ্রেফতার করা হবে।'

গত চারদিন ধরেই চোপড়ার লক্ষীপুর ও ঘিরনিগাঁও এলাকায় লাগাতার সংঘর্ষ চলছে। লক্ষীপুরে ইতিমধ্যেই গুলিবর্ষণ হয়ে এক কংগ্রেস কর্মীর মৃত্যু হয়েছে। গত বুধবার ঘিরনিগাঁও এলাকার কোটাগছে শাসক-বিরোধী সংঘর্ষে তিনজন জখম হয়। সংঘর্ষে ব্যাপক বোমা ও গুলি চালানোর অভিযোগ রয়েছে। ওই ঘটনা নিয়ে এলাকায় উত্তেজনা ছিলই। বৃহস্পতিবার ফের কোটাগছ সংলগ্ন এলাকাতেই রাজনৈতিক হামলা শুরু হয়। কংগ্রেসের অভিযোগ, তাদের এক কর্মী বাইক নিয়ে ওই এলাকা দিয়ে যাওয়ার সময় শাসকদলের বিরুদ্ধে সন্ত্রাস চালানোর অভিযোগে তুলে দাসপাড়ার লালবাজারে রাজা অবরোধ করে। এদিন ঘিরনিগাঁও এলাকার খবর ছড়িয়ে পড়তেই লক্ষীপুর সহ দাসপাড়া এলাকার অন্যান্য তীব্র উত্তেজনা ছড়িয়ে পড়ে। দুই শিবিরের লোকজনই গণ্ডগোল জরুরী সমস্ত প্রতিষ্ঠিত সেরে ফেলে। কোটাগছে পরপর দুদিন রাজনৈতিক সংঘর্ষ ঘটায় তা পুলিশ-প্রশাসনের জন্যও দুশ্চিন্তার কারণ হয়ে উঠেছে।

এরপর নয়ের পাতায়

অরিজিৎ সিংকে প্রার্থী করতে পারে বিজেপি

বালুরঘাট আসনের জন্য মুম্বইয়ের তারকার নাম বিবেচনা

জ্যোতি সরকার • জলপাইগুড়ি

৮ নভেম্বর : মুর্শিদাবাদের ছেলে অরিজিৎ সিং বেশ কয়েকবছর ধরেই বলিউডের সংগীত জগৎ শাসন করছেন। প্রথমে যখন তিনি মুম্বইয়ে যান তখন অবশ্য কিছুটা আড়ালেই ছিলেন। দীর্ঘদিন নিরবে কাজ করে গিয়েছেন আর এক বাঙালি ও সুরকার প্রীতমের সঙ্গে। কিন্তু আশিকি-২ তাঁকে বলিউডে লাইমলাইটে এনে দেয়। তারপর থেকে অরিজিৎকে আর পিছন ফিরে তাকাতে হয়নি। অরিজিৎ যে শুধু বলিউড শাসন করছেন, এমন নয়। টেলিউডেও তিনি যখন বাঙালি সুরকারের সঙ্গে কাজ করেন তখনও তিনি শীর্ষেই থাকেন। অরিজিৎ সিংয়ের সেই জনপ্রিয়তাকেই এবার কাজে লাগাতে চায় বিজেপি। ইতিমধ্যে লোকসভা ভোটের প্রার্থীতালিকা নিয়ে আলোচনা শুরু হয়েছে। উত্তরবঙ্গের এক প্রথমসারির বিজেপি নেতা জানিয়েছেন, দক্ষিণ দিনাজপুরের বালুরঘাট লোকসভা কেন্দ্রের প্রার্থী হিসেবে যেসব নাম বিবেচনা করা হচ্ছে তার মধ্যে অরিজিৎের নাম রয়েছে সবথেকে আগে। ইতিমধ্যে দিল্লিতে প্রধানমন্ত্রীর সঙ্গে অরিজিৎের দেখা হয়েছে বলে বিজেপি সূত্রে জানা গিয়েছে। তবে তালিকা চূড়ান্ত



হওয়ার আগে প্রার্থীদের নাম নিয়ে বিজেপি কোনো নেতাই মুখ খুলতে রাজি নন। কারণ পশ্চিমবঙ্গের লোকসভা ভোটের কৌশল নিয়ে এবার বিজেপি সভাপতি অমিত শার পাশাপাশি প্রধানমন্ত্রী স্মরণ আগ্রহ দেখাচ্ছেন। সেই কারণেই বিজেপি সূত্রে জানা গিয়েছে। তবে তালিকা চূড়ান্ত

সাধারণ সম্পাদক দেবশ্রী চৌধুরির নামও রয়েছে। বিজেপির রাজ্য সভাপতি দিলীপ ঘোষ রায়গঞ্জ লোকসভা কেন্দ্র থেকে প্রার্থী হতে পারেন বলে জানা গিয়েছে। এই আসনে দিলীপবাবুকে প্রার্থী করতে দলের কেন্দ্রীয় নেতৃত্বের কাছে প্রস্তাব জমা পড়বে। প্রস্তাবিত প্রার্থীদের নামের তালিকা সরাসরি দিল্লিতে পাঠানো হচ্ছে। তবে প্রার্থী চূড়ান্ত করার ক্ষেত্রে আরএসএস-এর মতামত গ্রাহ্য করা হবে। মালদা জেলার দুটি লোকসভা কেন্দ্রের প্রার্থী বাছাইয়ের ক্ষেত্রে বিজেপি খুব সতর্কভাবে পা ফেলছে। এই জেলার বর্তমান দুই সাংসদের রাজনৈতিক অবস্থানের উপর বিজেপি নেতৃত্ব নজর রেখেছে। হালেই বিজেপির রাজ্য সভাপতি দিলীপবাবু জলপাইগুড়ি জেলায় রাজনৈতিক সফরে এসেছিলেন। বৃহস্পতিবার তাঁর সঙ্গে যোগাযোগ করা হলে তিনি বলেন, 'লোকসভা নির্বাচনে প্রার্থী হতে চলে অনেকেই ব্যারোডেটা জমা দিয়েছেন। এ বিষয়ে বিস্তারিত কিছু বলতে পারব না।' রায়গঞ্জ আসনে তাঁর দাঁড়ানোর বিষয়ে মন্তব্য করতে গিয়ে দিলীপবাবু হাসতে হাসতে বলেন, 'জেলার নেতারা এই আসনে হেঁচকিয়ে কাউকে প্রার্থী হিসাবে চাইছেন।'

এরপর নয়ের পাতায়

পাহাড়ের মন বুঝতে সমীক্ষা

সানি সরকার • শিলিগুড়ি

৮ নভেম্বর : লোকসভা নির্বাচনের আগে পাহাড়ের মন বুঝতে চাইছে বিজেপি। সেইসঙ্গে দার্জিলিং আসনটি ধরে রাখার ক্ষেত্রে যোগ্য প্রার্থীর খোঁজও শুরু হয়েছে দলের মধ্যে। রাজ্যের শাসকদল তৃণমূল কংগ্রেস এবং পাহাড়ের বর্তমান শাসক বিনয় তামা-অনীত থাপারা এখনও পাহাড়ের মানুষের ভরসা হয়ে উঠতে পারেননি, এমন রিপোর্ট পেয়েছে বিজেপি নেতৃত্ব। ওই রিপোর্ট পেয়েই দার্জিলিং কেন্দ্র নিয়ে নতুন করে তৎপরতা শুরু হয়েছে কেন্দ্রের শাসকদের মধ্যে। রিপোর্টটি যাচাই করে নিতে স্থানীয় নেতৃত্বকে বিশেষ সমীক্ষার নির্দেশ দেওয়া হয়েছে। পাশাপাশি, রথযাত্রার পাহাড়কে শামিল করার উদ্যোগের কথা বলা হয়েছে। এ নিয়ে বৃহস্পতিবার শিলিগুড়িতে দলীয় বৈঠকে আলোচনা হয়েছে। তবে বিজেপির শিলিগুড়ি সাংগঠনিক জেলার সভাপতি অভিজিৎ রায়চৌধুরির বক্তব্য, 'লোকসভা নির্বাচন সংক্রান্ত বিষয়গুলি দলের শীর্ষ নেতৃত্বের বিষয়। রথযাত্রা সফল করার ক্ষেত্রে আমাদের কী কী পদক্ষেপ করতে হবে, তা নিয়েই এদিন আমাদের আলোচনা হয়েছে।' এদিন, কোচবিহার, আলিপুরদুয়ার, জলপাইগুড়ি, উত্তর দিনাজপুর, দক্ষিণ দিনাজপুর সহ উত্তরবঙ্গের ৮টি জেলার প্রতিনিধিদের নিয়ে শিলিগুড়িতে বিজেপির একটি বৈঠক অনুষ্ঠিত হয়। শিলিগুড়িতে দলের জেলা সভাপতির বাড়িতে বেলা ১২টা থেকে বিকাল ৩টা পর্যন্ত ওই বৈঠক অনুষ্ঠিত হয়। বৈঠকে সমস্ত জেলার প্রতিনিধিরা উপস্থিত ছিলেন।

এরপর নয়ের পাতায়

অদ্ভুত জ্বরের কারণ খুঁজছেন চিকিৎসকরা

ভাস্কর বাগচী • শিলিগুড়ি

৮ নভেম্বর : প্রবল জ্বর, সঙ্গে তীব্র মাথাব্যথা। সারা শরীরে লাল ছোপছোপ দাগ। দ্রুত নেমে যাচ্ছে গ্লোবলেট। অল্প সময়ের মধ্যেই আশঙ্কাজনক অবস্থায় পৌঁছে যাচ্ছে রোগীর শারীরিক অবস্থা। শুধু তাই নয়, কোনো রোগী সেরে ওঠার পর ফের প্রবল জ্বরে আক্রান্ত হচ্ছেন, এমন ঘটনার উদাহরণও রয়েছে। এই জ্বর কি শুধুই আবহাওয়া পরিবর্তনের কারণে, নাকি অন্য কোনো কারণে? বাস্তবেই এই কারণ খুঁজতে ব্যস্ত চিকিৎসকরা।

ধরে জ্বরে আক্রান্ত হয়ে কলেজপাড়ার একটি নার্সিংহোমে চিকিৎসাধীন। গত কয়েকদিনে গ্লোবলেট ২ লক্ষ থেকে কমতে কমতে বৃহস্পতিবার ১১ হাজারে নেমেছে। উল্লেখ্য, শরীরদুর্বল গত তিন বছর ধরে এই সময়েই এভাবে জ্বরে আক্রান্ত হচ্ছেন। এবারও তাঁর রক্তে এনএসওয়ান পজিটিভ ধরা পড়ছে। যদিও চিকিৎসকরা জানান, জ্বরে আক্রান্ত হলে যেকোনো রোগীরই গ্লোবলেট কম যাবে। কিন্তু তা বলে এত কম যাবে? এই বিষয়টি নিয়ে চিন্তিত চিকিৎসক মহল। কলেজপাড়ার ওই নার্সিংহোমে আরও বেশ কয়েকজন রোগী রয়েছেন যারা এখনও প্রবল জ্বরে আক্রান্ত। এদের মধ্যে একজনকে ভেন্টিলেশনে পর্যন্ত রাখতে হয়েছে।

এই মহুর্তে শিলিগুড়ির অধিকাংশ নার্সিংহোমে জ্বরে নেওয়ার জয়গা না থাকার দরুন রোগীকে ফিরিয়ে পর্যন্ত দেওয়া হচ্ছে। বর্তমানে যা পরিহিত, তাতে শহরের বেশ কিছু এলাকার মানুষ জ্বরের আতঙ্কে ভুগছেন।

এরপর নয়ের পাতায়

ডেন্টাল কলেজে পরিসেবা অমিল

রণজিৎ ঘোষ • শিলিগুড়ি

৮ নভেম্বর : উত্তরবঙ্গ ডেন্টাল কলেজে ল্যাবরেটরির পরিকাঠামো না থাকায় দাঁতের চিকিৎসা করাতে এসে সমস্যায় পড়ছেন রোগীরা। দাঁত বাঁধাই, ক্রাউন সহ অন্য সমস্ত কাজেই বেসরকারি ল্যাবরেটরিতে যেতে হচ্ছে রোগীদের। ফলে হাজার হাজার টাকা খরচও হয়ে যাচ্ছে। রোগীদের অভিযোগ, সরকারিভাবে সমস্ত চিকিৎসাই বিনামূল্যে করার দাবি করা হলেও রাজ্য সরকার এখনও উত্তরবঙ্গ ডেন্টাল কলেজে সমস্ত পরিকাঠামো তৈরি করতে পারেনি। কলেজ কর্তৃপক্ষ অবশ্য জানিয়েছে, পূর্ণাঙ্গ ল্যাবরেটরির তৈরির জন্য সমস্ত ইনস্ট্রুমেন্ট চলে এসেছে। কয়েক মাসের মধ্যেই পরিকাঠামো তৈরি হয়ে যাবে। ডেন্টাল কলেজের অধ্যক্ষ ডাঃ সত্যরত্ন

মুখোপাধ্যায় বলেন, 'পরিকাঠামোর অভাবে কিছু সমস্যা হচ্ছে। তবে, আমরা বেশ কিছু ইনস্ট্রুমেন্ট পেয়েছি। আশা করছি কয়েক মাসের মধ্যেই এখানে পূর্ণাঙ্গ ল্যাবরেটরির চালু হয়ে যাবে।' দীর্ঘদিন উত্তরবঙ্গ মেডিকেল কলেজ ও হাসপাতালের সঙ্গে থাকার পরে ২০১২ সালে স্বতন্ত্রভাবে তৈরি ওয় উত্তরবঙ্গ ডেন্টাল কলেজ ও হাসপাতাল মোট আটটি বিভাগ নিয়ে কাজ করছে এই ডেন্টাল কলেজ ও হাসপাতাল। প্রতিদিন বহির্বিভাগে ১৫০-২০০ জন রোগী এখানে দাঁতের বিভিন্ন চিকিৎসার জন্য আসেন। কিছু সংখ্যক রোগীকে প্রাথমিক পরীক্ষা-নিরীক্ষার পরে ওষুধ দিয়ে ছেড়ে দেওয়া হলেও বেশিরভাগ রোগীরই দাঁত তোলা, রুট ক্যানেল ট্রিটমেন্ট (আরসিটি) সহ অন্যান্য চিকিৎসার প্রয়োজন হয়। যাদের দাঁত তোলা

এরপর নয়ের পাতায়

দখল করা জমিতে পাট্টা দেওয়ার উদ্যোগ

শিলিগুড়ি, ৮ নভেম্বর : বাতাসির

সরকারি জমি নিয়ে বিতর্ক তৈরি হতেই ওই জমিতে পাট্টা দেওয়ার তোড়জোড় শুরু করেছে জমি মাফিয়ারা। ওই সরকারি জমিতে যাতে প্রত্যেককে পাট্টা দেওয়া যায় অথবা তাদের অন্য কোনো জমিতে স্থানান্তর করে সেই জমির পাট্টা দেওয়া যায় কিনা সেই ব্যাপারেও খোঁজখবর শুরু হয়েছে। বিষয়টি নিয়ে খড়িবাড়ির বিডিও যোগেশ মণ্ডল বলেন, 'কৃষক বাজারের জন্য রাখা বাতাসির ওই জমি যাদের কাছে বিক্রি করা হয়েছে তাদের অন্য কোনো জমিতে স্থানান্তর করে সেই জমির পাট্টা দেওয়ার একটা প্রস্তাব রয়েছে। কিন্তু সরকারি কাজের জন্য রাখা ওই জমি কীভাবে

বিক্রি হল তা খতিয়ে দেখা হয়েছে।'

খড়িবাড়ি ব্লকের বাতাসির ভোগভিটা মৌজায় আইটিসাই কলেজের পিছনে প্রায় ৮০ বিঘা সরকারি জমি রয়েছে। এই জমিতে কৃষক বাজার তৈরির সিদ্ধান্ত নিয়েছে রাজ্য সরকার। কিন্তু সেই কাজ এখনও শুরু হয়নি। এই অবস্থায় শাসকদলের একাংশ এবং কিছু জমি মাফিয়া মিলিতভাবে ওই জমির দখল নিয়ে সেটি কাঠা হিসাবে ধুঁট করে বিক্রি করছে। সামনের দিকে দেড় লক্ষ টাকা এবং পিছনে এক লক্ষ ১৫ হাজার টাকা কাঠা হিসাবে জমি বিক্রি হচ্ছে। ইতিমধ্যেই বেশ কিছু ধুঁট বিক্রি হয়ে সেখানে কংক্রিটের পিলার দিয়ে বেশ কিছু বাড়ি তৈরির কাজও

সোমো বর্মন বনগাইবাঁও

নার্সিং হোমে ছেলে তালিয়ে যাচ্ছিল, তাই ৮ ঘণ্টা অ্যাম্বুলেন্সে করে ডিসান শিলিগুড়িতে নিয়ে এলাম। বনগাইবাঁওতেই অ্যাম্বুলেন্স পেতে ডিসান সহযোগিতা করে দিন। ডিসানে আসতেই চিকিৎসা শুরু হল। ১০ দিনের দিন ছেলে হেঁটে বাড়ি ফিরল। ডিসানের জন্যই ছেলেকে ফিরে পেলাম। ভাবাই যায় না!

24hrs EMERGENCY 90516 40000

শিলিগুড়িতে ১ মেডিকেল কলেজের পাশে

শুরু হয়ে গিয়েছে। এই সংক্রান্ত খবর বুধবার উত্তরবঙ্গ সংবাদ-এ প্রকাশিত হওয়ার পরেই নড়েচড়ে বসেছে প্রশাসন। অন্যদিকে, জমি মাফিয়ারাও নেতা-মন্ত্রীদের ধরে এই জমির ক্ষেতাদের যাতে সেখানেই বসবাস করার জন্য পাট্টা দেওয়া যায় তার জন্য তোড়জোড় শুরু করেছে।

সূত্রের খবর, এই সরকারি জমির করবাদের বিষয়টি যে জানাজানি হয়ে যেতে পারে সেই কথা ভেবে আগেই এই জমি মাফিয়ারা তৃণমূল কংগ্রেসের একাংশের মাধ্যমে জমির পাট্টা দেওয়ার জন্য তৎপর হয়েছিল। বিষয়টি চূম্বিসংস্কার দপ্তর ছাড়া বিডিও-কেও জানানো হয়েছিল। এরপর নয়ের পাতায়

জেটলির কথা উড়িয়ে মোদিকে তির মমতার

নয়ািল্লি ও কলকাতা, ৮ নভেম্বর : কয়েকদিন আগেই অসমের তিনসুকিয়ায় পাঁচজন হত্যার ঘটনায় এনআরসি নিয়ে বিজেপির বিরুদ্ধে সরব হয়েছিলেন তৃণমূল নেত্রী মমতা বন্দ্যোপাধ্যায়। তাঁর কথ্যেই স্পষ্ট হয়েছিল লোকসভা ভোটে তৃণমূলের প্রচারে কোন কোন বিষয় অগ্রাধিকার পেতে পারে। বৃহস্পতিবার তাঁর অবস্থান আরও স্পষ্ট করে তৃণমূল নেত্রী নোট বাতিলের সিদ্ধান্তের দ্বিতীয় বর্ষপূর্তিতে কেন্দ্রীয় সরকারের বিরুদ্ধে সরব হয়েছেন। বস্তুত, এদিন প্রাক্তন প্রধানমন্ত্রী মনমোহন সিং এবং কংগ্রেস সভাপতি রাহুল গান্ধি থেকে শুরু করে বেশিরভাগ বিরোধী নেতা প্রধানমন্ত্রীর সমালোচনায় সরব হলেও মমতার সুর ছিল সবথেকে চড়া। ৮ নভেম্বর তারিখটিকে 'অন্ধকার দিন' বলে কটাক্ষ করে তৃণমূল নেত্রী বলেন, 'আজ বিমূঢ়করণ বিপর্যয়ের দ্বিতীয় বর্ষপূর্তি। এই সিদ্ধান্ত ঘোষণার সঙ্গে সঙ্গে প্রতিবাদ জানিয়েছিলাম। আজ বিশিষ্ট অর্থনীতিবিদ থেকে সাধারণ মানুষ এবং সব বিশেষজ্ঞ আমার সঙ্গে একমত।' মমতা বলেন, 'কেন্দ্রীয় সরকার দেশের অর্থনীতিকে ধ্বংস করে দিয়েছে। লক্ষ লক্ষ মানুষের

নোটবন্দির দু'বছর

জীবন নষ্ট করে দিয়েছে। এই বিপুল কেলেঙ্কারির মাধ্যমে সরকার দেশের সঙ্গে প্রভারণা করেছে। যারা এই কাজ করেছে মানুষ তাদের সাজা দেবে।'

প্রাক্তন প্রধানমন্ত্রী মনমোহন সিংয়ের মতে, অর্থনৈতিক হঠকারী পদক্ষেপ দীর্ঘ সময় ধরে কীভাবে দেশের ক্ষতি করে তা মনে করার ও আর্থিক সিদ্ধান্ত গ্রহণের ক্ষেত্রে কতটা চিন্তাভাবনা করা সরকার, তা বোঝার দিন আজ। রাহুল গান্ধির অভিযোগ, নোটবন্দি একটি নিষ্ঠুর যত্নমূল ছাড়া আর কিছুই নয়।

বিরোধীদের এহেন সম্মিলিত আক্রমণ সত্ত্বেও নোট বাতিলের সিদ্ধান্ত যে সঠিক ছিল তা বোঝাতে বৃহস্পতিবার কার্যত একা কুস্তির মতো মোদি সরকারের মুখরক্ষায় ব্যস্ত থাকলেন কেন্দ্রীয় অর্থমন্ত্রী অরুণ জেটলি। তাঁর সাফাই, নোট বাজেয়াপ্ত করাটা বিমূঢ়করণের উদ্দেশ্য ছিল না। বরং তাকে মূল অর্থনীতিতে নিয়ে আসতে এবং যাঁদের হাতে টাকা রয়েছে তাঁদের কর দিতে বাধ্য করাই ছিল এই সিদ্ধান্তের বৃহৎ লক্ষ্য। বিরোধীদের সমালোচনাকে উড়িয়ে জেটলির কটাক্ষ, 'বাতিল নোটের সবটাই ব্যাংকের হাতে ফিরে এসেছে বলে যে সমালোচনা হচ্ছে তা না জেনেবুঝে করা হচ্ছে।' জেটলির সাফাই, 'ভারতীয় অর্থনীতিকে সঠিক পথে চালানার জন্য অন্যতম একটি পদক্ষেপ হল নোটবন্দি।'

ভারতীয় অর্থনীতিকে সঠিক পথে চালানার জন্য অন্যতম একটি পদক্ষেপ হল নোটবন্দি। এর ফলে আরও সুসুস্থ হলে ভারতের কর ব্যবস্থা। নোট বাতিলের জেরে ভারতীয়দের জীবনের মানোন্নয়ন হয়েছে।

এরপর নয়ের পাতায়

শুভ ডাইফোঁটা

সকল ভাই ও বোনের জানাই আন্তরিক শুভেচ্ছা ও অভিনন্দন

মমতা বন্দ্যোপাধ্যায় মুখ্যমন্ত্রী, পশ্চিমবঙ্গ

তথ্য ও সংস্কৃতি বিভাগ, পশ্চিমবঙ্গ সরকার

..CA-2403(14)/2018..